

Respir

*Me sére 'mpontàt de capì quat a l'düra ü
momènt, quando l'vé, quando l'passa,
che di ólte l'te par d'iga tép, e l'banduna
compàgn di rondène d'ötörno.*

*Te dighet "fó prèst, ü moment" e te pödet gna
dìl che l'è föm, l'isvapura;
te öresset fermàl, fàl redà.. e l'bórla zó 'n de
la fòpa di ròbe perdidè.*

*Cós'él ü momènt? Ü requià fòrse. Ön'àmpia,
quach vólte. Öna spéce de inciòster
simpàtech, che l'lassa gna l'ombra d'ü sègn.
se no gh'è 'l sò bombàs de passàga.*

*L'è forse, chissà, ü somelèch in de nòcc, che
l' fa ciàr chèl tanti po' l'se smórsa.*

*Cós'èl ü momènt? L'è ü respir! E chi pöl
misüràga i respir a la éta?*

Francitus
25 settembre 1998